

**Nd. 581. Frumvarp til laga**

um breyting á lögum nr. 48 7. maí 1928, um bæjarstjórn í Neskaupstað.

Flm.: Jónas Guðmundsson

**1. gr.**

4. gr. laganna skal orða svo:

Bæjarfógetinn í Neskaupstað hefir að launum 3600 krónur, er greiðast úr ríkissjóði. Hann hefir á hendi öll hin sömu störf og sýslumönnum og bæjarfógetum eru falin, hverjum í sínu umdæmi, dómstjórn, lögreglustjórn, gjaldheimtu á tekjum ríkissjóðs og önnur störf, allt gegn þóknun þeirri, er sýslumönnum og bæjarfógetum er ákveðin að lögum.

**2. gr.**

5. gr. laganna orðist svo:

Málefnum kaupstaðarins skal stjórnað af bæjarstjórn. Í henni eru kjörnir bæjarfulltrúar, kosnir af bæjarbúum, sem kosningarrétt hafa eftir gildandi lögum.

Bæjarstjórn kys bæjarstjóra og ákveður laun hans, enda greiðast þau úr bæjarsjóði.

3. gr.

6. gr. laganna fellur niður.

4. gr.

Fyrsta málgr. 9. gr. laganna orðist svo:

Framkvæmd ákvarðana þeirra, sem bæjarstjórnin tekur, og forstaða bæjarmálefna er á hendi bæjarstjóra, nema þar sem annað er sérstaklega ákveðið af bæjarstjórn.

5. gr.

2. og 3. málgr. 14. gr. laganna orðist svo:

Eigi má greiða neitt úr bæjarsjóði nema eftir ávísun bæjarstjóra. Bæjarstjóri ávísar útgjöldum, og skulu þau áður samþykkt af nefnd þeirri innan bæjarstjórnar, er þau heyra undir.

Greinargerð.

Frumvarp þetta til breytinga á lögum um bæjarstjórn í Neskaupstað er flutt samkvæmt tilmælum bæjarstjórnarinnar þar, og er hún því samþykk, eins og meðfylgjandi símskeyti ber með sér.

Þegar lög um bæjarstjórn í Neskaupstað voru sett, var það álit manna, að einn maður gæti rækt bæði bæjarfógeta- og bæjarstjórarstarfið svo, að hvorugt liði við það. Reynsla er nú fengin á þeim nærri 8 árum, sem síðan eru liðin, og bendir hún til þess, að það mundi á margan hátt heppilegra að hafa störfin aðskilin. Bæjarfógetastarfið er þá að visu litið, samanborið við stærri kaupstaðina, en bæjarfógetinn gæti þá rækt það einn án nokkurrar verulegrar aðkeyptrar hjálpar. Nú er það svo, að rikissjóður greiðir bæjarfógetanum í laun 2500 krónur á ári, og bæjarsjóður 3000 krónur, en auk þess verður bærinn að leggja til tvo menn honum til aðstoðar.

Væri starfinu skipt, mætti ætla, að væntanlegur bæjarstjóri gæti annað bæjarmálunum einn, eins og nú er t. d. á Seyðisfirði, eða með lítilsháttar aðstoð í skrifstofu.

Tekjur rikissjóðs úr Neskaupstað voru árið 1933 80 þús. krónur, og hafa oftast verið meiri. Og þegar þess er gætt, að þessar tekjur rikissjóðs eru allar af atvinnurekstri og tekjum þeirra rúml. 1100 manna, sem í Neskaupstað búa, sést, að þeir leggja sinn skerf fram til rikisparfa, og að laun þau, sem bæjarfógetanum eru ætluð í frumvarpi þessu, eru ekki nema rúml. 4% af þeim tekjum, sem hann innheimtir þar fyrir rikissjóðinn.

Þar sem hér er um sanngirnismál að ræða, og útgjöldin fyrir rikissjóð hverfandi, er þess að vænta, að Alþingi leyfi því fram að ganga nú á þessu þingi.

**Fylgiskjal.**

**Símskeyti frá bæjarstjórn og bæjarfógeta Neskaupstaðar  
um skiptingu bæjarfógetaembættisins þar.**

**1. Frá bæjarstjórninni:**

Svohljóðandi tillaga samþykkt öllum atkvæðum bæjarstjórnarfundi dag: Bæjarstjórn Neskaupstaðar skorar á Alþingi að samþykkja frumvarp Jónasar Guðmundssonar alþingismanns um skiptingu á bæjarfógetaembættinu hér.

Rétt eftirrit staðfestir

Kristinn Ólafsson bæjarfógeti.

**2. Frá bæjarfógetanum:**

Samþykkur skiptingu bæjarfógetaembættisins samkvæmt frumvarpi þínu.

Kristinn Ólafsson bæjarfógeti.